

DECLARATION
 DV ROY SVR LE SER-
 uice qu'il attéd de sa Noblesse
 en la guerre ouuerte contre les
 estrangers , ennemis anciens
 de la Couronne de France.



A TOVRS,
 Chez Iamet Mettayer Impri-
 meur ordinaire du Roy.
 M. D. LXXXI.

NOTES

ON

THE

ART

OF

TEACHING

AND

LEARNING

TO

TEACH

AND

LEARN

TO

TEACH

AND

LEARN

TO

TEACH

AND

LEARN

TO

TEACH

AND

LEARN



HENRY PAR LA
GRACE DE DIEU
ROY DE FRANCE
ET DE NAVARRE.

A tous ceux qui ces presentes lettres verront, Salut. Nous n'eusmes plustost recueilly la succession de ceste Couronne à laquelle eul a pléu à Dieu nous appeller, qu'ayant considéré la qualité du mal dont ce Royaume estoit affligé, nous iugeasmes que pour pourueoir à sa guerison. Il falloit premierement commencer par vne bonne consultation &

A ij

conference des principaulx d'ice-
 luy, lesquels estant en la vie
 & soustenement de cest effect
 les plus interessez y deuoyēt par
 raison apporter plus d'affection
 & d'intelligence que nuls au-
 tres, Et feismes deslors resolu-
 tion de conuoquer tous les Prin-
 ces de nostre sang: les Cardi-
 naux & autres Princes, les Offi-
 ciers de la Couronne, les Sei-
 gneurs de nostre Conseil. Les
 Prelats: ceux des Illustres & an-
 ciennes familles de la Noblesse.
 Nos Courts souueraines, & les
 principales Villes de ce Royau-
 me, pour estans ensemble & ayāt
 meurement deliberé sur ce faiēt
 y prendre quelque bonne reso-
 lution la nostre estant bien for-

mee d'y apporter toute nostre
attention à bien receuoir les Cō-
seils & aduiz qui nous y seroient
donnez, avec ferme volonté de
nous regir & conduire par iceux
ayant ceste creance que Dieu
auroit permis que son Saint Es-
prit interuint à vne si celebre
compagnie conuoquee à vn si
bon effect, & si necessaire & que
de là deuoit infalliblement pro-
cedder l'ordonnance des reme-
des de ceste maladie. Mais cela
mesme ayant esté apprehendé
par les ennemis rebelles qui ont
constitué leur salut & repos dās
le trouble vniuersel. Les publi-
cations qu'ils entendirent de ce-
ste nostre intention sur ladite
conuocation leur feurent autāt

d'aduertissement de s'y opposer de tout leur pouuoir, & a esté à la verité la principale cause qui les a faict precipiter à tant d'efforts qu'ils ont tentez tout à la fois: afin de nous y occuper tellement que nous n'eussions loisir de vacquer à autre chose & diuertir par ce moyen ladite assemblée, de laquelle ils ne pouuoient attendre qu'une ignominieuse condamnation contre tous leurs desseings & de portemens, se conseruant cependant de quoy entretenir les plus simples de la faulce apparence de leurs pretextes. Mais s'ils ont ce faisant differé le remede le plus conuenable à ce mal, ils en ont aussi ce pendant tellement des-

couuert la cause qu'ils en aduanceront d'autant, & rendront cy apres la guerison plus facile, ny ayant celuy maintenant qui ne voye clairement que ceste rebellion n'est causee que de l'ambition demesurée des Chefs de ce party sur l'vsurpation de cest Estat. Et depuis par impuissance retranschee à la dissipation ayant appellé en la société de leurs crimes les Princes estrangers, auxquels ils en ont peu proposer quelque part, lesquels pensent par l'vtilité qu'ils en esperent excuser ou iustifier ce qu'ils y entreprennent. De sorte que ceste guerre bien qu'elle retienne le nom de la premiere cause est neantmoins vne guerre ouuer-

te & declarée par les Princes estrangers anciens ennemis de cest Estat, qui est de bien plus grande consequence que celle de ladite rebellion, laquelle sans l'interest des autres se feust terminee ou composee dans peu de temps : comme il s'en estoit desia faict quelque proposition en laquelle lesdicts rebelles ne se sont plus conduicts que par les Conseils & commandemens des estrangers, bien qu'ils en eussent fait la premiere recherche, n'en ont neant moins depuis osé passer outre, c'estant descouvert par actes irreprochables que ce n'estoit qu'un artifice que lesdicts estrangers ont voulu faire sur la conscience des autres pour auoir
 temps

temps de se mieux preparer à
l'effect de leurs desseings, & tou-
tesfois nous estimons que Dieu
n'a permis tout ce que dessus
que pour le bien & là gloire de
ce Royaume, & par ceste occa-
sion pour detromper ceux qui
ont esté iusques icy abusez des
faux pretextes dont lesdicts re-
belles se sont seruiz pour en exci-
ter d'autres de nos subjects; les-
quels ou pour opinion que ce-
ste guerre de rebellion ne deust
pas auoir long cours, ou pour
quelque autre consideration ne
si sont pas employez avec l'ar-
deur & affection qu'ils deuoyët,
& pour adiouster d'autant plus
decourage à ceux qui nous y ont
fidellement seruis, sçachant &

les vns & les autres qu'il est que-
 stion maintenant de combattre
 pour sa patrie, en deffendre les
 frontieres à ceux mesmes que
 nos peres & les leurs en ont touf-
 jours valeureusement repoussez
 & pour se preseruer par ce moyē
 d'une tyrannique domination
 dont les exemples de ceux qui y
 sont soubmis sont si effroyables,
 esperant fermement que Dieu
 qui tient en protection les bon-
 nes causes contre les mauuaises
 continuera d'estendre ses bene-
 dictions sur nous & nos bons
 subiects, pour ruiner ses iniques
 & iniustes desseings fondez &
 adioustez à vne si inique cause:
 comme par sa grace il a fait ius-
 ques icy, mesmes visiblement

sur ceste puissante armee qui entra dernièrement en ce Royaume. S'estant en si peu de temps entierement dissipée, & contrainte d'en sortir avec honte & perte tresgrande, ainsi qu'il permettra qu'il en aduienne de toutes les autres, & que plus grandes elles seront. Ce ne sera que pour rendre plus manifeste sa Iustice, pourueu que de nostre part chacun y face le deuoir auquel par les Loix diuines & humaines, il est tenu & obligé, mesmes ceux de la Noblesse, lesquels par la possession immemoriable de leurs ancestres ont la principale garde & deffence de l'autorité de leur Prince & de son Estat, en quoy estans bien

asseurez qu'ils ne deffaudront point, & qu'ils s'employeront de toute leur force & puissance à repousser cette iniure commune, non pas faicte à nous & à nostre auctorité seullemēt: mais au bien & honneur vniuersel de ce Royaume. Nous auons aussi estimé iuste & raisonnable, d'honorer de quelque remarque qui passe à la posterité: ceux qui par vn si bon seruice, & en vne si importante occasion se confirmeront meritoirement le tiltre & Caractere de Noblesse à eux successiuement conseruée par leurs predecesseurs au pris de leur sang & de leur vie. Comme aussi tacher d'vne infamie perpetuelle pour deserteurs de leur

patrie. Ceux qui y faudront, & que le merite & le blalme qui en lera del-augmenté l'vn par l'autre. A CES CAUSES SÇA-VOIR FAISONS, que nous auons dict & déclaré, disons & declarons, voulons & nous plaist que tous ceux de la Noblesse de ce Royaume faisant profession des armes, depuis l'aage de vingt ans iulques à soixante, ayent dās vn moys apres la publicatiō de ces presentes en noz Courts de Parlement à faire au grefse du Bailliage & Seneschauſſee ou est leur principale demeure, declaration de la resolutiō qu'ils ont de seruir à nous, & à nostre dit Royaume en ceste guerre ouuerte: comme dict est contre

les estrangers , & y exposer librement leur vie & moyēs pour la conseruation de l'vn & de l'autre , & s'ils ne peuuent venir eux mesmes faire leldictes declarations esdicts greffes , qu'ils les y enuoiet signees de leurs mains bien & deuēment approuuées, sur lesquelles declarations nous enioignons aux substitutz de noz Procureurs Generaux en chacun desdicts Bailliages, & Seneschauſſees, d'ē dresser vn roule contenāt les noms & demeures de ceux qui les auront faictes. Pareillement vn autre de ceux, de ladite Noblesse qui notoirement sont du party desdicts rebelles quoy que ce soit qui n'auront fourny leur dite declaratiō,

desquels roolles leur ordonnōs
d'en enuoyer vn au Gouver-
neur & Lieutenant General de
la Prouince pour le nous faire
tenir, & vn autre à noldicts
Procureurs Generaux, par les-
quels nous voulons qu'ils soyēt
presentez en noz Courts de Par-
lement chacun en ce qui sera de
son ressort & iurisdiction, pour y
estre enregistrez au Greffe d'i-
celles. A ce que se soit vn tiltre à
iamais de la fidelité & sincere
affection de ceux qui auront ser-
uy en cestedite guerre qui re-
commande & illustre leur po-
sterité, & leuren serue d'un bon
exemple. Comme pareillement
se soit vne marque de blasme
& infamie perpetuelle des au-

tres qui auront pour leurs pechez esté si abandonnez de l'esprit de Dieu que de conspirer contre leur Prince, & leur propre patrie supprimant la memoire des vertuz de leurs ancestres par vne si insigne perfidie, & contre lesquels neantmoins enioignons à noldictes Courts de Parlement de proceder par les peines portees par les ordonnances contre les criminelz de leze Majesté au premier Chef, les priuant & degradant, & toute leur posterité du tiltre de Noblesse, & des honneurs & priuileges qui y sont acquiz protestant au surplus que comme nous iugeons que rien ne peut estre si necessaire

cessaire pour le bié de cest Estat
que ladite conuocation qui à
esté par nous cydeuant propo-
sée & promise, que nostre reso-
lution est de l'effectuer au plu-
stost qu'il nous sera possible.
Comme nous eussions desia fait
sans les empeschemens que cha-
cun sçait qui nous y ont esté dō-
nez, & sont encores mainte-
nant plus que iamais, pour les
grands efforts que nous sommes
bien aduertiz que lesdicts estrā-
gers designent & preparent de
faire pour bien tost entrer s'ils
peuvent en ce Royaume. Ne
pouuant intermettre l'oppositiō
que nous leur y voulons don-
ner sans mettre en trop de peril
tout nostre Estat, & le fruiet que

nos bons subiects doiuent atten-
 dre de nostre labeur. Mais nous
 auons ferme esperance que ainsi
 que leur cause se faict tousiours
 pire & la nostre meilleure, que
 Dieu confondra tous leurs des-
 feings, & nous donnera com-
 modité de faire ladite assemblee,
 & la grace d'y prendre quelque
 bonne resolution qui soit à la
 gloire de son nom, & au bien &
 repos de ce Royaume. En quoy
 de nostre part nous apporterons
 toute nostre affection mesmes
 en ce qui deppēd de nostre par-
 ticulier, pour donner à nos bons
 subiects tout le contentement
 qu'il nous sera possible selon ce
 qu'il plaira à Dieu nous inspirer
 de faire. SI DONNONS EN

MANDEMENT. A noz amez
& feaux, les gens tenant nos
Courts de Parlement, que ces
presentes ils facent lire, publier
& enregistrer, & le contenu en
icelles effectuer, & faire accom-
plir par les Baillifz & Seneschaux
chacun en ce qui est de son res-
sort. MANDONS aussi à nos
Procureurs Generaux en nos-
dictes Courts faire aussi pour ce
regard ce qui est de leur charge
& deuoir, & par leurs substi-
tuts desdicts Bailliages & Senes-
chaussées tout ce qui leur est
prescript & ordonné cy dessus:
cartel est nostre plaisir. EN TES-
MOING, dequoy nous auons
faict mettre à ces presentes nos-
tre seal. Donné au Camp de-

ant Chartres, le huiſtième iour
de Mars, l'An de grace, mil cinq
cens quatre vingts vnze, & de
noſtre regne le deuxième, Si-
gné, Henry, & deſſus le reply par
le Roy. FORGET. Et ſeellé
ſur double queue de parchemin
pendant du grand ſeal dudit
Seigneur en cyre iaune.

*Leues, publiées & Regiſtrees, ouy
& ce requerant le Procureur Gene-
ral du Roy. Ordōné la Court que cop-
pies collatiōnées à l'Original ſerōt en-
uoyees par tous les Bailliages & Se-
neſchaufſſees de ce reſſort pour y eſtre
leues publiées & Regiſtrees. Enioinct*

aux substitutz dudit Procureur General tenir la main tant à la publication que executiō & aux Iuges d'y proceder sans aucune acception & connivance sur peine de priuatiō de leurs Estats, & d'estre procedé contr'eux de pareille peine que contre les rebelles & ennemis du Roy, & sera la declaration de ceux qui peuuent escrire escripte & signée de leur main. Ordonne ladite Court que si aucunes lettres sont obtenues pour estre deschargez du service, elles seront presentee en icelle, Et a faict inhibitions & deffences aux Iuges inferieurs d'en cognoistre, encores que l'adresse leur en fust faite, à peine de nullité pour icelles veues & communiquees audict Procureur General, en estre ordonné ce que de rai-

*son. A Tours en Parlement le vingt-
uniesme de Mars, mil cinq cens no-
nante & vn.*

Signé, TARDIEV.

*Collationné à l'original par moy
Notaire ; & Secrétaire du
Rôy*



